



02 MAR, 2025

Aniq, Hoe Yean terima biasiswa MOM

Berita Harian Ahad, Malaysia



Aniq, Hoe Yean terima biasiswa MOM

Kuala Lumpur: Majlis Olimpik Malaysia (MOM) semalam mengumumkan jaguh angkat berat negara, Mohamad Aniq Kasdan dan perenang, Khiew Hoe Yean sebagai penerima pertama untuk Dana Pendidikan Atlet MOM.

Kedua-dua atlet itu akan menerima biasiswa sebanyak RM10,000 setahun sehingga mereka menamatkan pengajian.

Menurut Aniq Kasdan, yang sedang menyambung pengajian di UiTM Shah Alam dalam bidang Ijazah Sarjana Muda Pengurusan Sukan, beliau sangat berbesar hati apabila dipilih sebagai atlet pertama untuk menerima dana itu.

“Saya ingin mengucapkan terima kasih kepada MOM atas biasiswa ini. Ia akan membantu saya memberi fokus kepada sukan tanpa perlu risau tentang

pengajian saya,” katanya.

Terdahulu, penampilan pertama atlet kelahiran Johor itu di Sukan Olimpik Paris 2024 hampir mencipta sejarah tersendiri apabila beliau hampir memenangi pingat gangsa, namun hanya dibezakan 1 kilogram (kg).

Selain itu, Aniq juga berjaya mencipta sejarah sebagai atlet angkat berat pertama Malaysia yang meraih pingat di Kejuaraan Dunia IWF dengan memenangi perak dalam kategori clean & jerk 55kg di Uzbekistan pada 2021 dan gangsa dalam kategori clean & jerk 61kg di Riyadh, Arab Saudi pada 2023.

Pada Disember tahun lalu, Aniq berjaya meraih dua perak dalam kategori clean & jerk dan keseluruhan 61kg di Kejuaraan Dunia di Manama, Bahrain.

Sementara itu, Hoe Yean pula sedang melanjutkan pengajian di

UCSI dalam bidang Ijazah Sarjana Muda Sains Komputer.

Menurutnya, apa yang diberikan oleh MOM kepada dirinya sangat bermakna dan membolehkannya berlatih dengan lebih gigih tanpa terlalu memikirkan soal kewangan.

“Saya masih di peringkat awal pengajian, tetapi biasiswa MOM ini sangat membantu dalam mengim-

bangi tanggungjawab saya. Dengan ini, saya dapat memberi fokus kepada jadual latihan yang padat,” katanya.

Hoe Yean berjaya beraksi di Paris 2024 melalui wild card yang diberikan oleh Akuatik Dunia se-

lepas berjaya mengumpul tiga markah tertinggi dalam kalangan perenang lelaki Malaysia sepanjang tahun lalu.

Atlet kelahiran Kuala Lumpur itu memenangi dua pingat emas pada Sukan SEA Hanoi 2022 dan kini memegang rekod kebangsaan dalam acara 400 meter (m), 800m, dan 1500m gaya bebas.

Malah, pengalaman berlatih bersama juara dunia dari Australia dalam acara 400m (2023), Samuel Short, selama enam bulan pasti akan memberi pengalaman baharu buatnya untuk terus meningkatkan prestasinya.

Bagi MOM, pemberian biasiswa ini membuktikan sokongan penuh dan berterusan mereka terhadap pembangunan atlet muda negara, bukan sahaja dalam bidang sukan tetapi juga dalam bidang pelajaran.





02 MAR, 2025

Aniq, Hoe Yean terima biasiswa MOM

Berita Harian Ahad, Malaysia



SUMMARIES

Kuala Lumpur: Majlis Olimpik Malaysia (MOM) semalam mengumumkan jaguh angkat berat negara, Mohamad Aniq Kasdan dan perenang, Khiew Hoe Yean sebagai penerima pertama untuk Dana Pendidikan Atlet MOM. Kedua-dua atlet itu akan menerima biasiswa sebanyak RM10,000 setahun sehingga mereka menamatkan pengajian. Menurut Aniq Kasdan, yang sedang menyambung pengajian di UiTM Shah Alam dalam bidang Ijazah Sarjana Muda Pengurusan Sukan, beliau sangat berbesar hati apabila dipilih sebagai atlet pertama untuk menerima dana itu.